



Skipulagsstofnun

Borgartúni 7b

105 Reykjavík

Málsnúmer: 202011093

Efni: Viðauki við Landsskipulagsstefnu – umsögn

Vísað er til erindis frá Skipulagsstofnun, dags. 13. nóvember sl., þar sem ofangreint erindi er sent til kynningar hjá Múlaþingi.

Almennt um viðaukann

Skipulagsstofnun óskaði eftir umsögn um tillögu að viðauka við Landsskipulagsstefnu 2015-2026 sem auglýst er til kynningar ásamt umhverfismati í samræmi við lög nr.123/2010 og 105/2006 og reglugerð nr. 1001/2011. Í tillögunni er sett fram stefna um loftslagsmál, landslag og lýðheilsu í tengslum við framkvæmd skipulagsmála og tekur hún eftir atvikum til allra viðfangsefna gildandi landsskipulagsstefnu. Auk þess felur tillagan í sér breytingar á gildandi landsskipulagsstefnu varðandi haf- og strandsvæða mt.t. laga nr.88/2018 um skipulag haf- og strandsvæða. Frestur til að koma skriflegum athugasemdum á framfæri við Skipulagsstofnun er til og með 8. janúar 2021.

Premur nýjum köflum var bætt við nágildandi Landslagsstefnu: 5. Loftslagmiðað skipulag, 6. Staðarmótun og landslagsvernd og 7. Heilsuvæn byggð og landnotkun. Nýju kaflarnir tvinnast saman með ýmsum hætti enda var við gerð tillögunnar leitast við að ná fram sem víðtækustum ávinningi á öllum sviðum tillögunnar og þeir styðja allir við áform um að draga úr ágengni við náttúruna og nýta kosti landslags og umhverfis, draga úr mengun og skapa gott útvistar- og heilsuvænt umhverfi. Með þessum áherslum ætti að skapast góður grundvöllur til að búa til skipulagsáætlunar sem styðja við heimsmarkmið Sameinuðu Þjóðanna.

Múlaþing

Lýngási 12, 700 Egilsstaðir

Sími: 4 700 700

mulathing@mulathing.is

www.mulathing.is





Nýr kafli 5. Loftslagmiðað skipulag

Í samhengi við þá aðgerðaráætlun sem hefur verið samþykkt í loftslagsmálum er þessi kafli eðlilegt framhald. Múlaþing mun við gerð nýs aðalskipulags fyrir sveitarfélagið taka tillit til loftslagsmála og fyrirliggjandi aðgerðaáætlunar. Varðandi 20 mínútna bæinn verði það viðmið fyrir þéttbýlisstaði innan sveitarfélagsins. Varðandi dreifbýlið verður lögð áhersla á góðar tengingar og þjónustu sem dregið geti úr umferð og mengun en jafnframt tryggt góða þjónustu.

Mikilvægt er að unnar verði góðar leiðbeiningar um útfærslu 20 mínútna bæjarins sem geti orðið góður leiðarvísir við gerð skipulagsáætlana og stutt við og stuðlað að þátttöku kjörinna fulltrúa og íbúa við gerð nýrra skipulagsáætlana.

Nýr kafli 6. Staðarmótun og landslagsvernd

Að mati Múlaþings er um mjög mikilvæga viðbót að ræða og mikil verðmæti sem felast í því að fella skipulagsáætlanir að yfirbragði byggðarlag og ásýnd ásamt landslagi og náttúrulegum aðstæðum. Húsakannanir og fornleifaskráning sem nú eru unnar samfara vinnu við deiliskipulagsáætlanir eru mikilvægur liður í því að draga fram sérkenni og verðmæti þeirrar byggðar og umhverfis sem fyrir er. Greining landslags og mikilvægra jarðmyndana og náttúrufars og að tekið sé tillit til þeirra við gerð skipulagsáætlana er einnig afar mikilvægt.

Byggðarlögin sem mynda Múlaþing hafa hver sitt svípmót og einkenni sem er mikils um vert að gefa gaum við alla skipulagsgerð. Múlaþing leggur áherslu á að mikilvægt er að unnar séu góðar leiðbeiningar við þennan kafla sem geti orðið leiðavísir við skipulagsgerð.

Nýr kafli 7. Heilsuvæn byggð og landnotkun

Að mati Múlaþings er um eðlilega viðbót að ræða einkum með tilliti til þeirrar þróunar sem hefur orðið varðandi heilsueflandi samfélög sem samfélög í Múlaþingi hafa tekið þátt í og hæglætishreyfinguna sem Djúpivogur hefur verið í fararbroddi fyrir. Þessi þáttur ætti að vera samofinn vinnu við að fella skipulagsgerð að landslagi, náttúru og umhverfi og skapa aðstæður til margvíslegrar heilsueflandi hreyfingar og útvistar. Með þessu ætti að skapast tækifæri til að fella skipulagsáætlanir að heimsmarkmiðum Sameinuðu Þjóðanna enn frekar.

Múlaþing

Lýngási 12, 700 Egilsstaðir
Sími: 4 700 700
mulathing@mulathing.is
www.mulathing.is





Haf- og strandsvæði

EKKI eru gerðar athugasemdir við þær breytingar sem lagðar eru til varðandi kaflann. Múlaping og forverar þess hafa ítrekað komið því á framfæri að eðlilegast sé að skipulag haf- og strandsvæða sé hluti af skipulagi hvers sveitarfélags enda séu engin rök fyrir öðru. Að óbreyttri löggjöf leggur Múlaping hins vegar áherslu á að sveitarfélög séu ráðandi við gerð haf- og strandsvæðaskipulags og ítrekar mikilvægi þess að slíkar skipulagsáætlunar séu unnar sem fyrst.

Vindorka

Það eru vonbrigði að engar tillögur um vindorku er að finna í því skjali sem hér liggur fyrir. Að álti Múlapings er mjög brýnt að settar verði skýrar leikreglur um vindorkunýtingu og voru vonir bundnar við að í tillögu að landsskipulagsstefnu kæmu fram gagnlegar leiðbeiningar til sveitarfélaga um þetta mikilvæga málefni.

Múlaping leggur áhersla á að kafli um vindorku komi inn í landsskipulagsstefnu og að áherslur um vindorku verði í sem bestum takti við þær áherslur sem þar er að finna og að á grundvelli þeirra geti sveitarstjórnir mótað skynsamlega stefnu um heppilega staðsetningu vindorkuvera innan sinna marka. Mikilvægt er að unnar verði góðar leiðbeiningar um úrvinnslu slíkra áætlana fyrir skipulagsvinnu ekki síst fyrir sveitarfélög sem ná yfir mikið landssvæði eins og í tilfelli Múlapings.

Niðurstaða

Múlaping lýsir almennt ánægju með þá vinnu sem hér liggur fyrir. Það er mat Múlapings að viðauki sá sem kynntur er hér sé í mjög eðlilegu framhaldi af þeirri umræðu sem verið hefur, markmiðssetningu stjórvalda og heimsmarkmiðum SP. Lögð er áhersla á að skoðað verði að bæta inn kafla um vindorku.

Múlaping

Lýngási 12, 700 Egilsstaðir
Sími: 4 700 700
mulathing@mulathing.is
www.mulathing.is





Múlaþing fagnar sérstaklega að lögð er áhersla á stafræna þróun og hlutverk Skipulagsstofnunar í að leiða þróun vefgáttar um skipulagsgerð, umhverfismat og leyfisveitingar í því skyni að auka skilvirkni. Múlaþing telur að hér sé um mjög mikilvægt mál að ræða sem geti verið sveitarfélögum til stuðnings við vinnu að skipulagsáætlunum og verið auk þess vettvangur til að auka aðkomu almennings að þeirri vinnu og gera hana aðgengilega íbúum og hagsmunaaðilum til virkrar þátttöku í skipulagsferlinu.

Virðingarfyllst,
f.h., Múlaþings



Sigurður Jónsson
Skipulagsfulltrúi

Múlaþing

Lyngási 12, 700 Egilsstaðir
Sími: 4 700 700
mulathing@mulathing.is
www.mulathing.is

